

¡BOMBA!

De Palacio hasta la calle no hay nadie que no sospeche por qué un jaguar en Campeche anda terco con Lavalle



K'uintsil

Jueves 12 de diciembre de 2024

CAMPECHE · YUCATÁN · QUINTANA ROO · AÑO 10 · NÚMERO 2382 · www.lajornadamaya.mx

Le chan ba'alche'a' ti lu'umil Vietnam láayli' kuxa'an tumen tu kanaj u yuk' ch'óoch' ja'

Europa Press
Oochel Cat Ba Langur Conservation Project



Juntuul ba'alche' u jets'maj u moots tu lu'umil Vietnam, u k'aba'e' langur de Cat Ba, ts'o'ok u kanik kuxtal yóok'olal jayp'éel k'a'anan genes ku ts'áak u páajtalil u kuxtal tu'ux jumpáay yanik, je'el bix u yuk'ik ch'óoch' ja'.

Jump'éel xaak'al beeta'ab tumen Centro Alemán de Primates (DPZ,

yóok'olal bix u k'aba' ich alemán t'aan), u mola'ayil Instituto Leibniz de Investigación de Primates de Gotinga yéetel Zoológico de Leipzig ku ye'esik bix ts'o'ok u jach kanik kuxtal je'el tu'ux ka yanake', kex tumen mix maanal cien yaani'.

Ikil táan u jach p'iitchajal le jaytúul yano'obo', u genécaail

ba'alche'e tu bin u yóotsilchajal, chéen ichil u yéet ba'alche'il ku ya'abkunsukubáaj yéetel miin maas séeba'an u k'oja'antal.

Ba'ale', uxak'alta'al ba'al tu yóok'lale' ku ye'esik u jejeláasil u genécaile' p'aatal je'exili' tu'ux k'a'anan u yantal. Lela' ku cha'ak u kanik u kuxtal u languresil Cat Ba (Trachypithecus

poliocephalus) kex yaan jejeláas k'eexilo'ob te'el yóok'ol kaabo'.

"U béeytal u kanik kuxtal tu'ux yane', ku beetik u jach pakta'al beey mina'an u jeel je'ex leti'o'. U béeytal u yuk'ik ch'óoch' ja'e', jump'éel noj e'esajil", tu ya'alaj Liye Zhang, u genetistail DPZ yéetel máax jo'olbes xaak'al.